

**Tema: Tipet e të dhënave në Java**  
**(Data Types in Java)**

## **Tabela e përmbajtjes**

Tipet e të dhënave primitive .....	3
Tipet e të dhënave jo-primitive .....	6
Ndryshime mes tipeve të të dhënave Primitive dhe Jo-primitive në Java.....	7

Programuesja

Përshëndetje të gjithëve!

Në temën e sotme do të flasim për tipet e të dhënave në Java. Janë tepër të rëndësishme pasi çdo variabël duhet të deklarohet me një tip të caktuar, për t'u përdorur. Tipet e të dhënave specifikojnë madhësitë dhe vlerat e ndryshme që mund të ruhen në variabla.

Ekzistojnë dy kategori të tipeve të të dhënave në Java:

✚ **Tipet e të dhënave primitive** (*Primitive data types*): Tipet e të dhënave primitive përfshijnë *boolean*, *byte*, *char*, *short*, *int*, *long*, *float* dhe *double*. Përdoren për të ruajtur një vlerë të vetme.

✚ **Tipet e të dhënave jo-primitive** (*Non-primitive data types / Reference data types*): Tipet e të dhënave jo-primitive krijohen nga programuesit. Ato nuk janë të paracaktuara në Java si tipet e të dhënave primitive. Këto tipe të dhënash përdoren për të ruajtur një grup vlerash. Përfshijnë: *Class*, *Object*, *String*, *Array*, *Interface*.

## Tipet e të dhënave primitive

Këto janë tipet më themelore të të dhënave në Java. Të dhënat primitive janë vlera të vetme dhe nuk kanë aftësi të veçanta.



*Java është një gjuhë programimi statically-typed, që do të thotë, të gjitha variablat duhet të deklarohen para përdorimit të tyre. Kjo është arsyeja pse duhet të deklarojmë tipin dhe emrin e variablit.*




Fig. 1 Primitive data types

1. **boolean:** tipi i të dhënës *boolean* përfaqëson vetëm **1 bit** informacion me vlerën *true* ose *false*, por "madhësia (size)" e tij nuk është diçka e përcaktuar saktësisht pasi është virtual machine dependent (varet nga makina virtuale).

**Sintaksa:** boolean variableName;

**Madhësia:** virtual machine dependent

**Vlerat:** true / false

**Vlera default:** false

2. **byte:** tipi i të dhënave *byte* është një numër i plotë **8-bit** me shenjë, komplement i dyshit ([two's complement](#)). Ka një vlerë minimale -128 dhe vlerë maksimale 127. Është i dobishëm për të kursyer memorien në *Arrays* të mëdha, ku kursimi i memories ka rëndësi. Kursen hapësirë, sepse një *byte* është 4 herë më i vogël se një *integer*. Gjithashtu, mund të përdoret në vend të "*int*" kur limiti i vlerave ndihmon në dokumentimin e kodit.

**Sintaksa:** byte variableName;

**Madhësia:** 1 byte (8 bits)

**Vlerat:** -128 deri 127

**Vlera default:** 0

3. **char:** tipi i të dhënave *char* është një karakter Unicode i vetëm **16-bit**. Gama e vlerave të tij qëndron midis '\u0000' (ose 0) deri '\uffff' (ose 65,535). *Char* përdoret për të ruajtur karaktere.

**Sintaksa:** char variableName;

**Madhësia:** 2 byte (16 bits)

**Vlerat:** '\u0000' (0) deri '\uffff' (65535)

**Vlera default:** '\u0000'

#### Pse madhësia e *char* është 2 byte në Java?

Në gjuhë të tjera si C/C++ përdoren vetëm karaktere ASCII dhe për të përfaqësuar të gjithë karakteret ASCII mjaftojnë 8-bit, por Java përdor sistemin Unicode jo sistemin ASCII dhe për të përfaqësuar sistemin Unicode 8-bit nuk mjaftojnë për të përfaqësuar gjithë karakteret kështu që Java përdor **2 byte** për karaktere.

*Unicode* përdoret për të përfaqësuar të gjitha gjuhët njerëzore në botë. Është një bashkim i dhjetëra grupeve të karaktereve, të tilla si Latinishtja, Greqishtja, Arabishtja etj.



4. **short**: është një numër i plotë **16-bit** me shenjë, komplement i dyshit ([two's complement](#)). Njëlloj si byte, është i dobishëm për të kursyer memorie në *Arrays* të mëdha, ku kursimi i memories është me rëndësi.

**Sintaksa:** short variableName;

**Madhësia:** 2 byte (16 bits)

**Vlerat:** -32,768 deri 32,767

**Vlera default:** 0

5. **int**: është një numër i plotë **32-bit** me shenjë, komplement i dyshit. Përgjithësisht, *int* është tipi i preferuar i të dhënave kur krijohen variabla me vlerë numerike.

**Sintaksa:** int variableName;

**Madhësia:** 4 byte (32 bits)

**Vlerat:**  $-2^{31}$  deri  $2^{31} - 1$

**Vlera default:** 0



*Që prej Java SE 8 mund ta përdorim int për të përfaqësuar një numër të plotë pozitiv 32-bit, i cili i ka vlerat në rangun  $[0, 2^{32} - 1]$ . Për këtë përdorim klasën Integer, e cila përmban metoda si compareUnsigned, divideUnsigned, parseUnsignedInt etj.*

6. **long**: është një numër i plotë **64-bit**, komplement i dyshit. Ky tip i të dhënave kryesisht ruan të dhëna numerike me madhësi (size) më të madhe se *int*.

**Sintaksa:** long variableName;

**Madhësia:** 8 byte (64 bits)

**Vlerat:**  $-2^{63}$  deri  $2^{63} - 1$

**Vlera default:** 0



*Që prej Java SE 8 mund ta përdorim long për të përfaqësuar një numër të plotë pozitiv 64-bit, i cili i ka vlerat në rangun  $[0, 2^{64} - 1]$ . Për këtë përdorim klasën Long, e cila përmban metoda si compareUnsigned, divideUnsigned etj.*

7. **float:** tipi i të dhënave *float* është numër me presje [single-precision](#) **32-bit** [IEEE 754](#). Përdorim float në vend të double nëse duam të kursejmë memorie në Array të mëdha me numra me presje.

**Sintaksa:** float variableName;

**Madhësia:** 4 byte (32 bits)

**Vlerat:** deri në 7 shifra dhjetore

**Vlera default:** 0.0F



*Ky lloj i të dhënave nuk duhet të përdoret kurrë për vlera preçize, të tilla si valuta. Për këtë, do të duhet të përdorim klasën java.math.BigDecimal.*

8. **double:** tipi i të dhënave *double* është numër me presje [double-precision](#) **64-bit** IEEE 754. Për vlerat dhjetore, ky tip të dhënash është në përgjithësi zgjedhja default. Siç u përmend më lart, ky tip i të dhënave nuk duhet të përdoret kurrë për vlera preçize, siç është valuta.

**Sintaksa:** double variableName;

**Madhësia:** 8 byte (64 bits)

**Vlerat:** deri në 16 shifra dhjetore

**Vlera default:** 0.0

## Tipet e të dhënave jo-primitive

Tipet e të dhënave jo-primitive i referohen objekteve dhe prandaj quhen tipe reference (reference types).




Fig. 2 Non-primitive data types

Për shembull, marrim një *array*. Në një *array* mund të ruajmë një group me vlera. Një shembull tjetër është klasa, e cila mund të ruaj vlera të ndryshme (*kujtoni shembullin me Shpendët në temën e OOP*). Kur definojmë një variabël të tipit jo-primitiv, ajo referon një vendndodhje në memorie ku të dhënat janë ruajtur në [Heap Memory](#). Pra, referon një memorie ku një objekt është vendosur.

#### **Dy pika kyçe:**

- a. Vlera default e variablave të tipit jo-primitiv është **null**.
- b. Kurdo që do i kaloni një tip të dhënë jo-primitive një metode, në fakt po kaloni një adresë të atij objekti ku të dhënat janë ruajtur.

1. **Arrays:** Një *array* në Java është një objekt, i cili përdoret për të ruajtur shumë variabla të të njëjtit lloj. Këto variabla mund të jenë tipe të të dhënave primitive ose jo-primitive. Një element specifik në një *array* aksesohet nga indeksi i tij. *Arrays* në Java mund të vendosen si parametra të metodave, variabla lokale dhe fusha statike. Madhësia e një *array* duhet të specifikohet nga një vlerë **int**, jo long ose short. Superclass-a direkte e një tipi *array* është *Object*.



**Gjithmonë indeksimi i një *array* fillon nga 0.**

2. **Strings:** Një *string* është një objekt që përfaqëson një sekuencë karakteresh. Klasa *java.lang.String* përdoret për të krijuar një objekt *String*. Diferenca mes një *array* karakteresh dhe një *string*-u në Java është se *String* është dizenuar që të mbajë një sekuencë karakteresh në një variabël të vetme, një *array* karakteresh është një koleksion entitetesh të tipit *char*.
3. Përsa i përket Objektivit, Klasës dhe Ndërfaqes (Interface) janë të shpjguara me detaje në kapitullin e OOP.

### **Ndryshime mes tipeve të të dhënave Primitive dhe Jo-primitive në Java:**

- ✚ Tipet e të dhënave primitive janë të paracaktuara në Java kurse ato jo-primitive krijohen nga programuesit (nuk janë të paracaktuara).
- ✚ Në tipet e të dhënave primitive, variablat mund ruajnë vetëm 1 vlerë çdo herë, kur në ato jo-primitive mund të ruajmë disa vlera (të të njëjtit tip ose të ndryshme)
- ✚ Të gjitha të dhënat për variablat e tipeve primitive ruhen në **memorien stack**, kurse për tipet jo-primitive stack-u ka një pointer te objekti në **memorien heap**.
- ✚ Tipet jo-primitive mund të përdoren për të thirrur metoda që kryejnë veprime të caktuara, kurse tipet primitive nuk munden.
- ✚ Një tip primitiv ka gjithmonë një vlerë (përmendëm vlerat *default* më sipër), kurse tipet jo-primitive mund të jenë **null**.